

Fundacion Snoop Doggy cu caminata dibertido fomentando educacion riba cuido di mascota

FUNDACION Snoop Doggy, encabesa pa Esther van der Putt, ta traha pa educa mucha riba e cuido responsabel di mascota.

A traves di buki y actividad interactivo, e organisacion ta busca pa sensibilisa esunnan mas hhooben riba e importancia di cuida cacho y pushi. Dia 5 di october proximo, e fundacion lo tin un "Kids Fun Walk" na Eagle Beach pa recauda fondo, caminda e muchanan por disfruta di un experiencia educativo y dibertido como apoyo n'e causa aki.

Van der Putt ta splica cu su organisacion a wordo crea na juni di aña pasa. "Tin hopi organisacion di rescate cu ta haci un gran trabao cu sterilisacion, castracion y cuido di bestia, pero nos a nota cu falta e componente educativo," el a comenta.

E fundacion a dicidi di yega e bashi aki, publicando un buki riba adopcion responsabel di un cacho, dirigi n'e muchanan.



"E prome buki ta conta e storia di un cacho cu ta wordo adopta cu amor pa un famia y den dje ta atende e tema manera alimentacion, cariño y e cuido necesario, hasta den situacion manera vuurwerk," Esther a splica. Na maart, nan

DO MORE THAN JUST BANKING

We get you into the Hottest Events, Help you Skip Lines, Pay Bills Anytime, Recharge your Phone, Fuel up 24/7, Get You Free Stuff, and So Much More.

Ps. We work with **ALL** Local Banks and Local Numbers.



DOWNLOAD NOW



pay.aw



a lansa un di dos buki, e biaha aki concentrando riba pushi, ya cu nan ta enfrenta problema similar cu e cachonan na Aruba. Den e buki aki, e protagonista, Snoop Doggy, ta cera amistad cu un pushi.

E fundacion ta distribui e bukinan aki di manera gratuito na scol basico, principalmente n'e studiantenan di derde y vierde klas.

Esther a agrega cu, fuera di distribui e bukinan, nan sa haci presentacion na scol, hibando hasta su mesun cacho p'e muchanan por interactua cu ne y siña riba e identificacion di chips y e cuido di mascota.

P'e muchanan mas chikito, e fundacion a crea un caha educativo cu e klasnan por presta durante un of dos siman, permitiendo esunnan mas hoben siña di manera interactivo riba cuido di bestia.

E proximo actividadnan

Diasabra, dia 5 di october, Fundacion Snoop Doggy lo organisa un "Kids Fun Walk" na Eagle Beach. "Nos kier p'e muchanan siña riba cacho y pushi di un manera dibertido," Esther a bisa. E caminata lo cuminsa pa 6'or y mey di atardi, pero prome, pa 4'or y mey, e muchanan por pinta nan cara cu diseño di cacho y pushi.

Durante e caminata, lo pasa riba e Boardwalk di Eagle Beach te na Embassy Suites y bek, e muchanan lo ricibi un carchi cu un stempel. Na varios punto a lo largo di e caminata, nan por recoge stempel y na final cu e carchi cimpleto, nan lo ricibi un premio special. Tambe lo tin ijscream, awa y juice pa disfruta.

Fuera di esey, ta spera cu dos persona participa den disfras inflabel cu forma di cacho, cu lo permiti e muchanan saca potret cu nan, agregando mas diversion n'e evento.

Costo y meta di e actividad

E costo di inscripcion ta 10 florin y tur loke recauda lo ta destina n'e fundacon pa financia e printmento di mas buki.

"Tur nos bukinan ta posibel danki n'e sponsornan local y n'e sosten di gobierno, pero semper nos mester di fondo adicional pa cubri gasto y segura pa mas mucha por ricibi e bukinan di forma gratis," Esther a destaca.

Cu e actividadnan aki, Fundacion Snoop Doggy lo sigui cu su mision di conscientisa y educa e generacion nobo riba cuido responsabel di mascota.

DESTINY SECURITY

OPORTUNIDAD PA Trabou

▶ ATTRACTIVE SALARY
▶ JOB BENEFITS

WE ARE LOOKING FOR TALENTED AND PASSIONATE PEOPLE TO JOIN OUR TEAM. IF YOU WANT A PLACE WHERE YOU CAN GROW PROFESSIONALLY AND WORK IN A COLLABORATIVE ENVIRONMENT, THIS IS YOUR OPPORTUNITY!

DESTINY SECURITY **DESTINY SECURITY OFICIAL** **5947937**

AGE 5-10 YEARS

SNOOP DOGGY KIDS FUN WALK

SATURDAY 5 OKTOBER 2024

START 5:30PM

PLACE: EAGLE BEACH BOARDWALK

REGISTRATION

SCAN MIJ

ACTIVITIES
FACE PAINTING

Pico Bello
HOME MADE
SINCE 1991